

Maligalig

Ebe Dancel

Ayaw pang matulog ng gabi
Sa kama kong walang silbi
Ang umaga'y para bang kay layo-layo pa
Bumabagal ang ikot ng mundo
Habang bumibilis naman ang takbo
Ng utak kong gumugulong-gulong

Pinagpapasahan ng tuwa
At nakakatakot na lungkot
Ng galit at pag-ibig ang
Kawawa kong pusong
Maligalig

Utak ko'y parang sampung tv
Iba't-ibang istasyon na tabi-tabi
Ako ay drama at comedy
Ako ay araw at gabi

Kumakanta't umiindak
May maalala lang biglang iiyak
Parang napapagod na ko sa mundo

Pinagpapasahan ng tuwa
At nakakatakot na lungkot
Ng galit at pag-ibig ang
Kawawa kong pusong
Maligalig

Dahil ang tanging nais lamang
Ay mapakali